

Jejebu, Sejarah
Perlembagaan Adat
dan Istiadatnya

Oleh.

KALAM TERJALI.

Jejebu, Sejarah
Perlembagaan Adat
dan Istiadatnya

Oleh .

KALAM TERJALI .

PENDAHULUAN

Dengan inayah Tuhan Yang Maha Kuasa dapat-lah di-susun buku kecil ini kepangkuan saudara2 yang meminat sejarah Luak Jelebu. Sa-sungguh-nya buku yang di-beri nama Jelebu, Sejarah, Perlembagaan Adat dan Istiadat-nya' ini ada-lah sama sekali jangan di-anggap sabagai authority atau lain2-nya, ha-nya buku ini sabagai satu sumbar bacaan sejarah sahaja.

Selain dari tujuan menchatetkan sejarah yang di-sebarkan dari mulut ka-mulut sahaja maka buku ini sekarang sekurang2-nya sabagai bahan penyiasat bagi mereka menyelami lubok sejarah kampong halaman-nya.

Buku ini saya karang dan susunkan dengan mendapat bahan2 dari perchakapan mulut, keterangan yang di-beri bersendirian oleh orang tua2 dan buku2 chatitan mana2 yang terjumpa.

Sidang pembaca yang mulia, saya mendahului menghulorkan tangan memohon maaf di-atas segala kesilapan2 yang akan di-temui dalam masa membaca nanti, anggap-lah kesalahan2 itu sabagai yang tidak di-sengajakan dan kebetullan jua, sempena Tabal Undang Jelebu hari ini. Bersama2-lah kita membaiki-nya buat masa akan datang ini.

Kuala Klawang,
4hb. November, 1967.


Salam hormat dari,
Penyusun,
KALAM TERJALI.

BAB VIII

KENABOI DAN ULU KLAWANG

Kenaboi ia-lah menjadi sabagai sabahagian daripada tanah yang di-Pesakai oleh warith menteri, tetapi lapangan yang telah terbuka dan maju dan di alami oleh orang2 Melayu yang berhuma dan berladang itu ada-lah kebanyakan-nya orang2 yang berasal dari Pahang. Maka tersebut-lah kesah di-zaman Dato' Menteri Tabuan ada sa-orang Melayu Pahang bernama To' Penglima Muda datang berhijrah ka-Kenaboi dengan sa-kumpulan pengikut2-nya dari Pahang lalu meminta izin untuk menempat kebenaran Dato' Menteri untuk membuat kampong di-muara Sungai Kenaboi. Permintaan mereka itu di-perkenankan oleh Dato' Menteri Tabuan, lalu lah mereka meneroka di-Kuala Sungai Kenaboi. Waktu kesampaian mereka itu khatam-nya ia-lah pada zaman Dato' Undang Saiyid Ali maseh budak2 lagi dan ini ada-lah kira2 dalam tahun 1830.

Mereka membayar wang hasil tanah pada Dato' Menteri Tabuan, tetapi apabila ia mati dan pertelingkahan terjadi untuk menchari ganti-nya, maka Panglima Muda pun turun ka-Sungai Ujong lalu menyembahkan taat setia-nya kepada Dato' Klana. Persembahan-nya di-terima sahingga mati Klana itu dan Dato' Klana baru bila timbul maka akan hasil tanah itu di-hantar-nya kepada Dato' Undang Jelebu, dengan persetujuan bersama. Dato' Menteri Baharu membantah perkara hasil ini tetapi tidak berjaya. Dato' Panglima Muda di-gelarkan oleh menantu-nya To' Sultan Garang dan ia-nya di-gelarkan oleh anak-nya oleh sebab penyakit kusta ia itu To' Muda Derus, dan ia juga jadi penghulu mukim. Rajah di-bawah ini menunjukkan perhubungan Dato' Abdullah dengan Tua di-Kenaboi.



Ada-lah di-cheterakan ia itu penduduk Melayu Ulu Klawang ada-lah dari keluarga sa-puak peneroka2 lain dari yang datang melalui Ganting Langkat dan tinggal di-Ulu Jelebu itu. Mereka ini memasokki perayeran Pahang dengan jalan Bukit Tangga atau Bukit Silang (Antara Tangga dan bukit Ulu Beranang) ialah membawa adat resam mereka sendiri, mempunyai penghulu sendiri serta tingg balu Dato' Klana Sungai Ujong, dan sabenar-nya hingga sampai naongan British dari saleh-nya maseh tidak terikat ka-Jelebu. Kebebasan ini di-akui oleh Undang Jelebu mengikut chatitan Tuan H. O'Brien Klawang pun pada satu masa dahulu di-katakannya hak2 Ujong juga oleh sebab pada satu masa anak Dato' Undang Jelebu telah mengahwini anak perawan Penghulu Klambu dan di-paksa mengahwini-nya. Wang untuk membayar tonda tu'berapa menchukupi oleh sebab itu Undang Jelebu telah memberi Klawang Klawang

Ujong ia itu bahagian sebelah kanan Ulu Sungai ka-Sungai Ujong dan ka-bawah hingga ka-Lubok Kerebau Balar. Untok ukoran yang betul Yamtuan menghendakki-nya misti dengan persatuan kerajaan Sungai Ujong. Cherita ini tidak ada hubungan-nya dengan sejarah. Dalam satu cherita lagi khabar-nya Dato' Undang Sendiri yang menchemarkan To' Dusun itu-lah nama perawan itu yang lain pula Yamtuan Jelebu, yang lagi To' Malika atau To'Adek atau To' Tempurong Kemin dan mengikut satu cherita lain di-Ulu Klawang ia-lah Penghulu Klawang dan ada-lah akibat-nya ia-lah tarah yang di-beri itu ia-lah sa-keping tanah dari Lubok Batu ka-Rambai Baris di-kiri kanan Klawang mengalir ka-bawah.

To' Dusun ia-lah kakak Moyang Jerai, sa-orang ahli sihir yang memecahkan dua keping batu yang menderam di-sungai Tertang dan mendiamkan-nya selama2-nya. Ia-lah sekarang Harimau Puaka yang pernah mangharu Kampong Bemban oleh sebab2-nya ia sendiri yang tahu. Bapa-nya pula ia-lah sa-orang yang banyak ilmu tidak lain dari Dato' Klambu itu juga.

Ada juga cherita menyebutkan kesah Undang Jelebu menghantar hamba-nya dengan sa-ekor kerbau balar pada Klana dan Klana sa-balek-nya membunuh-nya bila ia melihat pemberian yang tidak berharga itu. Hamba-nya yang malang itu ia-lah Tahat atau Untong, dan kematian-nya menyebabkan pergolakan dengan Klana dengan sebab perbuatan-nya itu. Cherita ini pun tidak boleh di-pakai sangat kenyataan-nya tiada dapat sebab, mengakibatkan pemberian daerah pula tetapi boleh jadi nopian daawaan pehak Jelebu pula, barangkali itu-lah sebab dahulu termasuk ka-dalam daerah Sungai Ujong. Yang berikut ia-lah salasilah yang di-dapati di-Ulu Klawang sa-bagai permulaan-nya. Dari Minangkabau datang sa-orang chuchu perempuan Merah Pateh dan sapupu Batin Merah Galang bernama Dari Putri. Ia pergi ka-Palembang dan dari situ ka-Linggi dari sini ia pergi ka-Klang pula. Di-Klang ia berkahwin dengan To' Enggang Sati. Ia dudok di-sana selama lapan tahun lapan bulan dan beroleh anak dengan To' Sati sa-orang anak perempuan Genta Permai yang pergi ka-Bandar Beranang dan kahwin dengan To' Nahudum Sati. Ia-nya beranak sa-orang laki2 To' Dongot yang di-beri gelaran Batin Puteh Si-Amang Puteh oleh Merah Galang dan memerintah Bandar Beranang, dan Semamak pergi ka-Pantai dengan kakak-nya Demah dan jadi To' Mendeka Menteri. Anak perempuan-nya yang bongso To' Serai Tinggal saketika dengan abang-nya Siamang Puteh, di-Bandar Beranang, dan lepas itu menyeberang ka-Ulu Klawang dengan Jalan bukit Silang di-mana ia bertemu Dollah Hakim buapak suku-nya. Darimana ia ini sabenar-nya tidak dapat di-ketahui sabenar-nya serta juga To' Begal yang berkahwin dengan To' Serai. Anak laki2-nya Pan Net, dan chuchu-nya Lendut dan Mentek jadi Penghulu Ulu Klawang bergeler2 dan ia-lah Mentek yang membawa balek jenazah Yamtuan Jaya dari Pantai ka-Pita Serambai. Apabila ia mati dua lagi keturunan keluarga-nya mendaawa jawatan itu lalu persatuan telah terchapai yang mana menjadikan tiga perut ia itu Kampong Berangan Kampong Bukit Peraduan dan Rambai Baris (Warith Asal) yang boleh menyandang jawatan penghulu bergeler2.


Penghulu2-nya ia-lah

To' Abu Bakar atau Bukit
To' Badisun atau Sabun
To' Dusun

Warith Tanjong Lurangan.
" Kg. Bukit Peraduan.
" Tanjong Berangan.

Pilihan pada yang ketiga ini telah menyebabkan kekachauwan yang besar oleh sebab warith perut Rambai Baris telah tidak di-ambil. Hal ini telah di-beri tahu ka-Pantni tetapi oleh sebab Dato' Klana Usuh pada masa itu berada di-Singapura, maka

Dato' Undang Saiyid Ali menyatakan ka-sanggupan-nya jadi pendamai sebagai orang tengah. Sabda-nya telah di-terima ia itu keputusan-nya To' Dusun di-lantik jawatan-nya dan di-lantek Dato' Amar Idris dari warith Rambai Baris menyambung gelaran Tua itu. Gelaran ini ia-lah untuk Tua warith itu dan ini lebeh tinggi daripada penghulu mukim yang ada sa-lepas naongan British, panggilan Dato' penghulu digunakan oleh orang2 Jelebu untuk chuma dua orang sahaja ia itu Dato' Undang Jelebu dan Dato' Amar Penghulu Ulu Klawang sebagai ketua orang2 Ulu Klawang. Yang lain itu di-kenal sebagai penghulu mukim sahaja. Gelaran Dato' Amar ha-nya untuk penghulu warith Suku Biduanda warith Ulu Klawang sebagai kepala keluarga warith sampai Ujong. Tetapi ia sama juga menggunakan kedudukan yang baharu itu. Ini ada-lah chatitan perharian Pegawai British selepas enam bulan di-Jelebu mengutarakan kebebasan sebagaimana sa-belom naongan British. Ini ada-lah oleh sebab keadaan alam yang mengasingkan-nya dari Sungai Ujong dan tanah di-raja di-Pita Serambai di-antara-nya dan Jelebu. Dengan Pita Serambai Penghulu2 Ulu Klawang ada pertemuan rapat dan orang2 di-raja hari ini ada menyebut sebutan2 lama yaani apa yang datang dari Dato' Amar Penghulu ia-lah menampal atau titian jika ada kekecewaan lain lagi di-antara semua pehak. Bagitu-lah sebab-nya apabila Resident British datang menyukat Sungai Klawang sebagai sempadan Jelebu dengan daerah-nya untuk sungai Ujong maka Yamtuan Abdullah bersatu dengan musuh-nya Dato' Undang Saiyid Ali dalam melawan penchabulan yang sabagitu rupa kerana Yamtuan bersekutu dengan penoh dalam daerah dari bandar Berangan hingga ka-Sungai Melintang itu. Tanah2 sempadan di-antara Klawang hingga ka-Lubok Batu. Penghulu2 Rambai Baris ada-lah saperti berikut yang ada memegang jawatan ia-lah yang berchap huruf kapital.



Di-antara Mentek dan Idris datang-nya tiga wakil dari perut bandar bersempitan dan Kampong. Bulit peraduan sebagaimana yang telah di-sebut. Di-antara pesaka2 kampung Rambai Baris ia-lah sa-keping kertas mengandungi chap Mohor Abdul Jalil dan di-anggap sebagai surat lantekan di-beri oleh Yamtuan Jelebu tetapi surat itu ia-lah kapada To' Dollah Hakim. Ia-nya telah mati lama sa-belom-nya ada surat dari Jelebu dan keganjilan tulisan dan karangan hal kuasa sudah terang mengutarakan hal belaka. Bagi kesimpulan-nya ia itu orang2 Melayu Ulu Klawang mempunyai hal yang asal-nya, saperti juga Tua-nya dan gelaran-nya dari Sungai Ujong dan ada-lah hingga masa ini juga mengadap ka-balai Undang Luak-Jelebu dan tidak lagi mengadap Sungai Ujong.